



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt II. Variae sententiae, earumque fundamenta, de memorata
quaestione, & alia in Decretis expensa & composita.

urn:nbn:de:hbz:466:1-11718

1562. culis proferret, rem fusè affirmando agitarat, suaſque rationes posteà Patribus scripto exhibuerat: & nonnulli rebantur, non posſe recte fundari articulum, nimirum, Eucharistiam esse *propitiatorium sacrificium*, in eo argumento, quòd Christus fuerit Sacerdos secundùm ordinem Melchisedech, hoc eſt, panis ac vini, si relinqueretur ambiguum, an Christus viꝝquam obtulisset *propitiatorium sacrificium* per panem ac vinum. Verùm cùm Decreta Patrum conuentui ſunt expoſita, exemplò variæ ſuper ea controverſia ſententiæ exortæ ſunt; & ſicut res in quæſtionem vocatæ attentionem animi ad ſe fortius trahunt quām manifestæ, quibus ingenium nihil de ſuo tribuit, nec poteſt partes maximè delectabiles inuenitoris agere, complures ſtudium ratiocinationemque ad hoc argumentum conuerterunt. Nec id mirum accidit; Natura quippe vel maximè propriam hominis in eo poſuit affectionem Spei, quæ ſuum quodam peculiare bonum in ipſa boni arduitate plurimum amat.

C A P V T II.

*Variæ ſententiæ, earumque fundamenta, de memorata quæſtione,
et alia in Decretis expenſa et composita.*

Super diputatione, de qua diximus, quatuor in classes Patres diuifi. In primam abiit Madruccius Cardinalis, & cum eo Petrus Antonius de Capuo Archiepiscopus Hydruntinus, Castanea, & alij complures, affirmantes, Christum pro nobis ſeipſum in Cœna ſacrificasse, idque Scripturæ oraculis, Patrum testimonii, auctoribusque Græcis ac Latinis confirmantes: & addebat Castanea, id etiam in libello *Interim* Germanici contineri. Ioannes Antonius Pantosa Episcopus Literarensis conſiderauit verbum à Christo ad Apostolos dictum, & in iphis ad Sacerdotes: expenſum quoque ad id ipsum à Melchiore Cornelio, *Hoc facite*: quod verbum pro certo ponit rem quamdam omnino conſimilem rei præceptæ, anteà peractam, & posteà indicatam, cùm id importet ut illo pronomine *hoc*. Iam verò Christus, aiebat ille, præcepit Apostolis, & in iphis præcepit Sacerdotibus, non ſolum ut Eucharistiam acciperent, nec ſolum ut conſecrarent, quod ſatis non erat ad illos Sacerdotes conſtituendos; ſed ut offerrent ſacrificarentque pro nobis & pro noſtriſ peccatis. Igitur ipſe in ea actione, quam nobis imitandam proposuit, obtulit ſacrificium propitiatorium. Id conſirmauit producta S. Thomæ doctrinâ, quòd in extrema formæ prolatione fit simul à Sacerdotibus & conſecratio & oblatio & ſacrificium:

crificium: vnde colligebat, idipsum à Christo perfectum fuisse in
illis verbis proferendis; aliter haberent illa efficaciam in nobis,
quam non habuerant in Christo.

1562.

2. Eidem opinioni tam constanter adhæsit Bellaius Parisiensis Antistes, vt diceret, à S. Spiritu Patrum animos fuisse commotos ad illum articulum expendendum, qui erat fundamentum nostræ Religionis, & sacrificij à Christo oblati: è Cœnæ sacrificio initia traxisse sacrificium Crucis; ibi cœptam, hîc perfectam immolationem; sed utrumque sacrificium in eumdem finem collimasse: eo-
que progressus est, vt affirmaret, dubitaturum se fuisse, an ipse hæ-
reticus foret, si aliter sentiret. Quandoque humana mens suâ ipsius caligine adeò obnubitur, vt eam pro claritate habeat, assumpto quod dubium est pro certo; vt accidit vallium incolis, quibus non appetet nebula quâ oboluuntur, satis illi perspecta, qui eminentibus è collibus eò visum dirigit.

3. Gaspar à Casalio Episcopus Leiriensis bis abundè hac de re verba fecit, intentus enodandæ difficultati potissimæ, quæ obiectabatur. Ea erat: Per hanc sententiam multum detrahi Crucis sacrificio, perinde quasi ante illud Seruator Patri humanæ salutis gratiâ se immolasset. Et in hanc sententiam locutus est: Christi oblationem fuisse vnicam respectu rei oblatæ, sed modos offerendi fuisse multos ac varios. Etenim quemadmodum S. Thomas docet^a, Re-
demptoris passio, quamvis vnika, multis processit passibus: unus
fuit Iudeæ proditio, aliud venditio, aliud ipsius in Cœna ministe-
rium, atque ita diuersa cruciamenta usque ad mortem, per quam completa est: igitur Cœnam fuisse partem quamdam Christi cru-
ciatum. Porro sicuti antegressis promeritis dempta non est, quin potius aucta efficacitas per meritum Crucis; ita potuisse Christum Patri se offerre in Cœna, & sacrificium in Cruce perficere, eâ ratio-
ne quâ ipse suis reliquis operibus merendo vixit, & in Cruce me-
rendo mortuus est.

<sup>a 3. part.
q. 83. art. 5.
ad 3.</sup>

Iacobus Gibertus de Noguera Episcopus Aliphanus dicebat, Sa-
tis esse ad hanc definitioriem fundandam multorum Patrum aucto-
ritatem, quandoquidem Synodus Ephesina ipsorum testimoniis,
tametsi eâ tempestate recentiū, duas in Christo naturas cōprobarat.

4. Pro eadem sententia disputatione Petrus à Monte Episcopus Lu-
censis, Carolus Bouius Austunensis, Marcus Laureus Domini-
canus Campaniensis, Franciscus Zamora, & Didacus Lainius, al-
ter Minorum Observantium, alter Societatis Iesu supremus Mo-
derator.

Pars III.

O

De



1562.

De hoc postremo, quem Ordinis mei Fundator socium habuit, primumque in eo regendo successorem, quādam quasi filii pietas me cogit, vt hīc parumper subsistam, ad famam tam venerandi capitatis a mendacibus Suavis niaculis detergendarū. Aduenerat antea^b Lainius ē Gallia, quō perrexerat cum Estensi Legato, sicuti dictum est; cui multō prius iniunxerat Pontifex^c, vt illum Tridentum mitteret; & ab eo responsum fuerat, id effectum iri. Etenim tametsi Lainius ob eximias animi dotes copiosum Parisiis frumentum ederet, quem pariter vbiique locorum edidisset, tunc in Gallia manibus magis quām lingua opus erat. Varia tamen quæ contigerant ad id usque temporis, eius missionem Tridentum retardauerant. Et quidem à Pontifice^d demandatum postremō fuerat Legatis, vt ipsum ad dicendum admitterent non solum tamquam supremum Ordinis Præsidem, sed simul tamquam Pontificium Theologum, perinde ac ipse & Salmeron bis aliās in Synodo fecerant; atque vt humaniter illum haberent, quantum hominis doctrina, probitas & integritas merebantur. At verò Suavis dum de Lainij aduentu mentionem facit, narrat illum eō peruenisse 14. Augosti. Tres eiusdem Societatis conatos fuisse eum reliquis Religiosorum Ordinum summis Rectoribus præferre, postremo loco minimè contentum; & idcirco nequaquam recehseri in catalogis eorum, qui Concilio interuenere. Id planè mendaciorum summarium est. Initium à tenuiore ducamus. Eius aduentus non incidit in 14. Augsti; sed, si loquamur de die quo peruenit Tridentum, is fuit vigesimus tertius Iulij, vt vidimus^e. Si de eius ingressu in conuentum, vigesimo primo Augsti, secundū ea quæ referunt Legati in scripto, quod mox proferemus. Pergamus ad solidiora mendacia. Publici Synodi catalogi Lainium connumerant inter Generales Religiosorum Præsides qui interfuerē, vt liquet ex Synodo Antuerpiæ typis impressa apud Ioannem Stelsium anno 1564. hoc est plane post illius finem. Tam longè Lainius abfuit ab ultimo inter summos Moderatores gradu recusando, vt ipse illum petierit. Hoc ipsum alibi audiendum curauit^f ex verbis Paleotti, vbi is suorum Actorum initio recenset ordinem, qui seruabatur tum in sedibus distribuendis, tum in dicendis sententiis. Sed quoniam pollicitus ibi sum magis cogentes à me probationes adductum iri, cū ad oppositam Suavis impugnationem peruenirem, par est vt promissa persoluam. Itaque aio, Legatos ipsos id fuisse testatos in legitimis tabulis, quibus & illi, & qui Concilio à secretis erat, subscripsere Kalend. Nouemb.an. 1562. quas exhibere cuiq; id cupienti paratus sum. Ibi

^b Peruenit
23. Iulij, vt
habetur ex
epistola Mu-
tinensis ad
Moronum.
^c Litteræ Le-
gati Ferrare-
riensis ad
Borromēum,
11. Martij
1562.
^d Litteræ
Borromai
ad Legatos,
11. Maij
1562.

^e Litteræ
Mutinensis
allatae.

^f Lib. 15.
cap. 15.

1562.

6 Ibi dicunt : *Inaudiuisse se cum animi molestia vanum & iniquum rū morem, per varias prouincias diffusum, Lainum inuitis Patribus sese in conuentum intrusisse, simulq[ue] fuisse conatum summis monasticorum Ordinum Pr[esul]ibus anteire. Vtrumque à vero longè abesse: ingressum illum fuisse ad ferendum iure suffragium in generali cætu, nemine obſſtente, & potius optantibus Patribus, & iussu Pontificis, & pro eo quod ex veteri consuetudine debebatur supremis Religiosorum Ordinum Moderatoribus. Dubitatum fuisse de loco, qui à Magistro Ceremoniarum ipſi tribuendus effet, nimtrum, an infra reliquos generales Ordinum Moderatores, cùm illius Ordo effet omnium nouissimus; an suprà, quia effet Ordo Clericorum, qui Monachis p[re]feruntur. Illum dumtaxat cupiisse, ut ipsius Ordo tamquam Ordo Clericorum agnoscatur: ceterū modestia, pacijs studio animum p[re] se tulisse extremi subſellij cupidum, & reip[er]sa extrellum locum p[re]tulisse. Sed à Legatis, cùm alicuius anteacti Concilij exemplum ipſis non sup[er]eteret, quippe quòd hic Regularium Clericorum Ordo, qui latissimè iam per Christianorum Ethnicorumq[ue] prouincias cum v[er]berrimo animarum fructu protendebatur, post ultimum Lateranense ortus fuisset, locum illi extra Ordinem seiunctum à reliquis Religiosis Pr[esul]ibus datum fuisse, quòd ibi post illos absque Clericorum p[re]iudicio sententiam diceret, quemadmodum dixerat per summam quietem ac modestiam ex die vigesimo primo Augusti, quo die primum ingressus fuerat.*

7 Huiusmodi fuit publicum testimonium à Legatis redditum: qui pariter, cùm ille peruenit, ad ^g Borromæum scripsere, se censiſſe p[re]cipuum illi locum deberi, ei[us]que dandum curasse, sed restituisse reliquos Pr[esides] Ordinum Regularium. Ad hæc verò rescriptum primò ^b fuit à Borromæo, Romæ expensum ir[re]quid esset agendum, quod ip[s]is posteā significaretur; sed interim quietem partium prudenter ip[s]i curarent: tum additum est, Certò resciuisse Pontificem, à Lainio quemcumque gradum, qui sibi tribueretur, acceptum iri, & insuper non mediocri voluprate audiuisse Pontificem, à Legatis destinatum Lainio fuisse locum seiunctum, cunctis acquiescentibus. Profectò Lainij nomen, perinde ac aliorum complurium, gratiam Suaui debet. Etenim ipsius calumniæ sunt in causa, vt à meis affectione scribantur, & à meis lectoribus sine tædio legantur res ab illis cum laude gestæ; quæ cùm per se priuatæ sint, ac minutæ, locum in historiæ theatro non ad pompam, sed solum ad defensionem merentur.

8 Lainius itaque in quæſione proposita hoc pacto disserebat: Eam esse tantum de facto, adeoque non ex rationibus, sed ex testimoniis dumtaxat ferendum iudicium. Cùm igitur ⁱ supra quadraginta O₂ leotii, & ar- Patres, cis Aeliae.

^g In epistola,
10. Aug. 1562.

^b Litteræ
Borromæi
ad Legatos,
20. Aug. &
1. Septem-
bris 1562.

1562. Patres, tum Latini tum Græci, & tum recentes tum veteres, atque eorum complures Christi ætati propinqui, ac proinde historiam probè callentes, affirment, illum pro nobis seipsum in Cœna sacrificasse, ipsorum dictis habendam fidem. Exemplum Melchisedech, & sacrificij ab eo oblati, non fuisse completum reipsa à Christo in Cruce. Igitur, in Cœna, ea verba, *Hoc facite*, intelligi à S. Leone in sermone septimo de Cœna Domini, & ab aliis Doctribus, ut illud idem fiat quod fecit Christus: & tamen si Christus in Cœna non sacrificasset, Ecclesia dum in Eucharistia consecranda sacrificat, ficeret id quod ipse non fecit. Ostendit præterea, in eiusmodi Christi sacrificio vim expiandi fuisse; primò, quoniam Euangelij verba, per quæ legitimus, affirmari à Christo suum sanguinem pro nobis effusum iri, in Græco Euangeliō simul significant tempus præsens, & sonant, *Pro vobis effunditur*; quod verum esse non poterat, si ea Christi oblatio ad expiationem peccatorum pro salute hominum non fuisse. Secundò, quia si reliqui Sacerdotes, ut dicit Paulus ad Hebræos, offerunt pro peccatis, multò magis id fecit Christus in eo ipso sacrificio, quod inferioribus Sacerdotibus reliquit; idque similiter confirmauit multorum Patrum testimonio, enumerauitque simul varia discrimina inter Cœnæ & Crucis sacrificia. Denique perpendit, ab Apostolo adscribi vniuersè elationem Christi, præmiumque ipsi traditum, obedientiæ merito, adeoque cum Christus obediérer non solum in morte, sed etiam in cunctis suis operibus; cumque eius elatio, præmiumque ipsi traditum fuerit nostra salus, arguit quodcumque Christi opus nobis salutare fuisse, tametsi cuncta Passioni tamquam actui postremo tribuantur.

Fuerunt in secunda classe Archiepiscopi Granatensis, Bracaren-, & Lancianensis, qui opinabantur, Redemptorem in Cœna sacrificasse quidem, sed sacrificium mère Eucharisticum, hoc est laudis & gratiarum actionis, non satisfactionis & expiationis, veriti, ne aliter derogaretur Crucis sacrificio; neque pariter declarabant, illuc seipsum obtulisse.

His accessit Albertus Duinus Veglensis Antistes, qui duas in Christo rationes oblationis distinxit, alteram vniuersalem, & ab ipso adhibitam in cunctis vitæ suæ operibus; alteram peculiarem, ob remissionem nostrorum peccatorum, & non habitam ante Crucem. Studuit sententiam suam corroborare auctoritate sancti Thomæ ^k, & apertiūs Oecumenij dicto, quod productum fuerat ab Hosio in capite quinquagesimo tertio suæ vulgatae confessionis.

Idem

^k 3. par. q. 47.
art. 9. &
q. 73. art. 5.

1562.

Idem sentiebat Fuscararius, obseruans, sacrificium Eucharisticum, quod meras laudes gratiarumque actionem comple&titur, esse suapte natura nobilissimum, cum sit holocaustum quoddam, quod totum ad adorationem Dei refertur; quamcumque guttulam sanguinis Christi redimendis hominibus satis fuisse, sed iustitiam Divinam imperasse, *ut mors morte tolleretur*, quemadmodum concinit Ecclesia. Huic sententiae non solùm Oecumenium adstipulari, sed videri sibi, posse iureiurando se affirmare, illi adhærere pariter Augustinum.

Andreas Moccenigus Episcopus Nimosiensis aiebat, certum esse, sacrificium Cœnæ, itidem ac cuncta reliqua Christi opera, fuisse nobis propitiabile, sed à Christo non nisi per Crucem nostrarum noxarum remissionem obtentam fuisse: ibi victoriam integrum reportatam; anteà multarum arcium, *vt ita dicatur*, adeptionem habitam. Quare si post Cœnam, & ante Crucem aliquis ex Apostolis obiisset, nondum apertum in cælum aditum natus esset.

Eadem opinio pro certa habebatur à Didaco de Leon Augustiniano, Episcopo Conimbricensi.

10 Tertia classis in doctrina ponendum censebat, Christum se Patri obtulisse in Cœna, sed minimè dicendum, hac illâve ratione id peractum. Cum enim id in quæstione versaretur, nec ullum euidens Scripturæ oraculum vrgeret, Canonem aut Decretum de eo conficiendum non esse, nisi certe prius id à minoribus Theologis solerti operâ fuisset expensum. Huiusmodi erat consilium Naclantis ac Drascouizij; & complures ex asseclis secundæ sententiae posteà huic assensere.

11 Quarta classis ex iis Patribus conflabatur, qui duas partes studebant opinamento medio concordare; idcirco ea in multas partes abibat, cum expromeret unusquisque quid ipse sentiret, nec nisi seipsum auctorem haberet: eâ ratione, quâ quis non nisi sui ipsius assecla esse vult. Inter hos fuere, qui secundam opinionem defenderant: sed si singulorum sensa recenserem, plus tædij quam utilitatis afferrem.

12 Res tandem hunc exitum tulit¹. Cum initio complures repugnarent declarationi huiusc oblati, quo hîc se Christus quocumque modo obtulisset, postremò contigit aduersus quam euenire solet in subtilioribus disputationibus, in quibus sui quisque ingenij conceptus amans, in propugnata sententia inhæret firmius. Et enim ferè omnes in primam sententiam abidere, etiam qui acerrimè illi restiterant.

¹ Litteræ Iadensis,
24. Augusti
1562.

O 3

Alia

1562. Alia capita sunt agitata, ac præcipue, An essent celebrandæ Missæ linguis vulgaribus. Fuit qui dixit, Perniciosam haud sibi videri Dalmatiae consuetudinem, vbi post lectionem Euangelij Latini, idem legitur idiomate Dalmatico, ad populi eruditionem. Omnibus tamen probata est interdictio celebrandi Missam vulgari sermone. Quin Episcopus Nimosiensis retulit, in sua Diœcesi ab hereticis, cum plurima Ecclesiæ bona occupasset, eorum restitutio nem oblatam fuisse cum certis quibusdam pactionibus, præsertim verò cum hac conditione; sed rem fuisse reiectam.

Actum quoque in transcurso, An Decretis doctrinæ par Canonibus auctoritas esset tribuenda. Aduersabantur Fuscararius & Blan cus, aientes, suos in hisce rebus gradus esse; sufficere, si oppugnatoribus inureretur temeritatis & scandali nota, non item hæreses. Oppositum suadebat Hosius Reatinus Antistes: sed de hoc matrum plenumque consilium non est habitum.

Blanco denique non probabatur, quod ad Canones apponenteretur tamquam Fidei dogma, à Christo collatum fuisse Sacerdotij ordinem Apostolis per ea verba: *Hoc facite in meam commemorationem.* Confucuisse Concilia veritatem declarare, non interpretationes præscribere, productis sacrarum Litterarum, aut sanctorum Patrum testimentiis.

Hæc potissimum in propositis Decretis & Canonibus obseruata sunt: conuentumque est, ut arctarentur, ac limarentur, adhibita curâ tum ponendi quæ cunctis placerent, tum auferendi quæ alicui displicerent. Cum aptum in conuentibus adiumentum sit, ut plerique singulis morem gerant in rebus minutioribus omittendis, quo singuli plerosque sequantur in præcipuis sanctionibus statuendis.

C A P V T III.

*Proposita, postulantibus Cæsarianis, concessio Calicis cœtui generali.
Rationes alii ipsis allatae.*

Nondum absolutus erat sermo de Seruatoris sacrificio in Cœna, cum in eodem conuentu datus est aditus alteri quæstioni magis salebrosæ, quamvis minus subtili. Acerrime vrgebant Cæsariani, vt Ferdinandi petitio pro vsu Calicis proponeatur. Quare Legati rem diutiū haud protraxerunt. Et quamquam anteà Borromæus ipsis significasset*, ad faciliorrem concessionem reddendam, profuturam forsitan fuisse limitationem tractationis ad solam Bohemiam, vbi persistebat vetus ac præcipua repu-

* Apparet ex
epistola Le-
gatorum ad
Borromæum,
20. Augusti
1562.